

n u t a a r s i a s s a t

Nuna Tamakkerlugu Ilitsersuisarfik Juuni 2021

NUTAARSIASSAT



SAQQUMMIUSSAQ TULLEQ





IMARISAI

JUUNI 2020

- 04 Naalackersuisunngorlaaq
 - 05 Kangerlussuarmi katerisimaarneq
 - 06 Ilinniartunik Siunnersuisarfimmi nammineq piumassutsimik suliniut
 - 07 Nuna Tamakkerlugu Ilitsersuisarfimmeersut Tasilalialerput
 - 08 Pikkorissaanerit
 - 09 Aqqutissiuussisut ataatsimeersuarnissaat
 - 10 Eqqarsaatissiissut
 - 12 NVL: Aqqutissiuussineq attanneqarsinnaasoq
- 
- 

Ukioq manna Ilitsersuisarfimmiit nutaarsiassiissutit aappassaannut tikilluaritsi 😊

Inatsisartunut qinersisoqareerpoq Naalackersuisunillu toqqaasoqareerluni. Apriili qaammat Inatsisartunut qinersinerup inernera tamatumalu kingorna Naalackersuisunik toqqaaneq pissanganarsimavoq. Naalackersuisooqatigiilersitsinermut atatillugu isumaqatigiisut siuliani Inatsisartuni isumaqatigiisummit allaanerulaartoq atsiorneqarpoq. Immikkoortumi allami tamatuma aqutissiuussinermut tunngasunut Ilitsersuisarfimmilu sulianut sunniutigiumaarsinnaasai iserfigitsiassavakka.



Ilitsersuisarfik nunap immikkoortuini tallimani inissisimaffeqarmat ukiumut marloriarluni katerisimaartarnissaq aqutissut aalajangerpaat. Upernaakkut katerisimaarneq sap. ak. 16-imi Kangerlussuarmi pivoq. Tamanna imm. allami annertunerusumik tusagaqarfigissavarput.

Qulaani pineqartut saniatigut ukiamut sammisassat ilaatigut aqutissiuussisunut ukioq kaajallallugu pisartut – Aqutissiuussisut tunngaviusumik ilinniartitaaneq, pikkorissaanerit nangitsinerillu, aqutissiuussisut ataatsimeersuarnissaat, ilinniartitaaneq pillugu paasissutissiiniarluni angalaneq, naggataagullu minnerunngitsumilli Ilinniartunik Siunnersuisarfimmiit kiisalu Aqutissiuussinermut Inerisaanermullu immikkoortortamiit paasissutissiineq.

Atuarluarisi! 😊

Aaqquisuisutut attavissaq

Nuna Tamakkerlugu Ilitsersuisarfimmiit saqqummersitaq

Aaqquisuisutut akisussaasoq: Christine Tønnesen, chto@aqut.gl

Layout: Kristian Aagaard, kraa@aqut.gl

Nuna Tamakkerlugu Ilitsersuisarfik

Imaneq 24A, 1. og 2. sal

3900 Nuuk

Emaili: nti@aqut.gl

Oqarasuaat: 345850

aqqut.gl

NAALAKKERSUI- SUNNGORLAAQ

Apriliip ulluisa arfernanni nunatsinni qinersisoqarmat naalakkersuisooqatigiit katitigaanerat allanngorpoq. Inatsisartunut qinersinerup kingorna Naalakkersuisunik toqqaasoqarpoq, nunarpullu nutaamik ilinniartitaanermut Naalakkersuisoqalerpoq taannalu tassaavoq Peter P. Olsen. Sulilluarnissaanik kissaallugu pillu-aqqungaarpara. Aqqustissiuussinermut tunngatillugu anguniakkannik taassumalu anguniagaanik avitseqatiginissaq qilanaaraara.

Naalakkersuisooqatigiit isumaqatigiissutaanni qulequtsiussaq tassaavoq ”Nammaqatigiinneq, patajaassuseq siuariartorneq – Kalaallit Nunaat – inuit uummataat”

Naalakkersuisooqatigiit isumaqatigiissutaanni ima allassimasoqarpoq: ”Inuusuttut amerlavallaat inuunerminni kissaatitit ilisimangilaat” Tamannarpiarlu ataatsimoorluni- pingaartumik isumaginninnerup ilinniartitaanerullu iluanni- iliuseqarnissamik piunasaqaatitaqarpoq.

Ilinniartitaanermut atatillugu pingaartumillu meeqqat atuarfiat immikkut qitiutillugu qulequtsiussaavoq ”Nunatsinni pisariaqartitat qitiutillugit ilinniartitaaneq”. Pitsaassuseq kivinniarlugu suliallu ataqatigiissaarniarlugit kommunini meeqqanik inuusuttunillu sullissisut suleqatigineqassapput.

Tamatuma saniatigut ilinniagalinnut nunatsinni najugaqarlunilu sulinissap kajuminnartuunissaa naalakkersuisooqatigiit kissaatigaat. [Naalakkersuisooqatigiit isumaqatigiissutaata sinnera uani atuaruk](#)

Nammaqatigiinneq
Patajaassuseq
Siuariartorneq

KANGERLUSSUARMI KATERISIMAAARNEQ

Nuna Tamakkerlugu Ilitsersuisarfimmiut ukiumut marloriarluni katerittarnerini ataasiaannarlutik sap. ak. 16-imi Kangerlussuarmi naapipput. Ulloq siulleq, Ilinniartunik Siunnersuisarfimmut- suleriaatsinik maleruagassatsinnillu ilinniartunullu katsorsartinnissamut neqeroorutitsinnik naliliinissamut periarfissanik misissuinermik ukkassinissamut- tunngatinneqarpoq. Tamatuma saniatigut immikkoortortat imminnut ungasinnerujussuat akimorlugu ataatsimoorfeqarnitta attatiinnarneqarnissaa siunertaralugu suleqatigiissuteqarsinnaanissamut piukkunnarsarluni sungiusartoqarpoq. Ullut tulliuttut marluk Ilitsersuisarfimmiut tamarmik katerillutik Ilitsersuisarfimmi siunissamut anguniagassatut takorluukkat anguniagassatullu siunniussat pimoorullugit suliaaraat. Ilitsersuisarfimmi pisortaq Christine Tønnesen, kingorna Vision Walk-itut ilisima-neqalersumik, sulisut namminneq takorloorsinnaassutsiminnik, tamarmik immikkut Nuna Tamakkerlugu Ilitsersuisarfik pillugu siunissamut anguniagassatut takorluukkanminnik oqaasertaliinissamut, suleqatimin- niillu isumassarsitsinneqarnissamik, pilersaarusioqqaagaanngitsumik sungiusartitsivoq. Sungiusarneq pisarsiviulluarpoq sulisullu siunissamut takorluugaannik ersarissumik siunnerfilimmik ataatsimut katersivi- ulluni. Kajumissuseqarluarneq pimoorussinerlu annertoq peqataasuni tamani malunnarpoq.



Ilinniagaqassutsimut tunngatillugu oqallinnerit sungiusarnerillu saniatigut Ilitsersuisarfimmiut pilersaarutaa- sutut sermimut iigartartumut Russell Glacierimut angallanneqarput tassanilu peqataasut arlallit napaniarsin- naanermut tunngatillugu unammilligassinneqarput. Illarpalunneq nillertarnerlu nipitungaarmata Kangerlus- suarmiit tusaaneqarsinnaangajassimasinnaapput. Tamarmik ajoratit misigisatigullu pisuunnguallaateqarlutik utimut apuupput.

ILINNIARTUNI SIUNNERSUISARFIMMI NAMMINEQ PIUMASSUTSIMIK SULINIUT



Ilinniartunik Siunnersuisarfik Danmarkimi tarnip pissusaanik immikkut ilisimasalittut ilinniartunik suleqateqalernikkut iluatitsilluarpoq. Kalaallit tarnip pissusaanik immikkut ilisimasalittut ilinniartut, ilinniarneq naammassippat suliffissarsinissamut tamatumalu peqatigisaanik piginnaasatigut pitsaanerpaat akornanniinnissamut ajornaannerulersitsisussamik, naapertuuttumik sulineramik misilittagaqarnissaannut ikiorserneqarnissaat, suliniummi siunertaavoq. Sara Lennert Ilinniartunik Siunnersuisarfimmi nammineq pisumasutsimik sulisunngornissamut qinnuteqarpoq ilisarnaallu nukittoq pitsaassutsimillu qaffasissumik takutitsisoq, maani nammineq piumassutsimik sulisunngornermik kinguneqartoq takutillugu. Sarap Danmarkimi ilinniarnermi ilinniartunik nunatsinneersunik qarasaasiakkut tarnikkut katsorsaalluni oqaloqateqartarneq isumagissavaa. Ilinniartunut nunatsinneersunut katsorsaasumik kalaallisut oqaasilimmik oqaloqateqarnissamut periarfissaqalersunut annertooujusuarmik iluaqutissartaqarpoq, Sarallu katsorsaasutut piginnaasaasa sullitap ajornartorsiutaanut naapertuunnissaat Ilinniartunik Siunnersuisarfiup qulakkeerniarpa. Siunissami utaqqisarnermik sivikinnerulersitsissammat sullitattalu kalaallisut oqaasilinnik katsorsaasoqarnissaannik qulakkeerinissaq tamatumalu peqatigisaanik piginnaasatigut qaffassaaqataasussamik kalaallinik tarnip pissusaanik immikkut ilisimasalittut ilinniartunik ajoraluartumik nunatsinniissinnaanngitsunik isumaginnissamik qulakkeerinissaq anguniarlugu, kalaallinik tarnip pissusaanik immikkut ilisimasalittut ilinniartunik nammineq piumassutsiminnik sulisunik amerlanerusunik atorfinitsitinissaq, Ilinniartunik Siunnersuisarfimmit kissaatigineqarpoq.

NTI-MIT TASIILALIARTOQALERPOQ

Tasiilami Majoriami ilinniartunut aqutissiuussisunullu neqeroorummik pitsanngorsaaniisaaq Ilitersuisarfimmit qangali kissaataavoq. Taamaalillutik Inerisaanermi siunnersorti Bonnie Lyng Hansen (Nuuk) tarnip pissusaanik immikkut ilisimasalik Theis Bertelsen (Sisimiut) kiisalu tarnip pissusaanik immikkut ilisimasalittut pisortaq Bjørn Noer (Nuuk) sap. ak. 20-imi Tasiilaliarput. Aqutissiuussinermut tunngatillugu inerisaanissamut periarfissat suunerannik misissuinisaaq Bonnie-ip ukkakkaa, Theis Bjørnilu Tasiilami ilinniaritut amerlanerusut Ilinniartunik Siunnersuisarfimmi neqeroorutitik atuinissamik soqutiginnilersinnissaanut pisariaqartitsinerat paasiniarlugu aqutsisumik Eli Abelsenimik kiisalu Tasiilami Majoriami ilinniartitsisunik aqutissiuussisunillu oqaloqatiginnipput. Taamaalillutik Theisip Bjørnillu Tasiilami Majoriami piffissartik tamaat atorlugu Ilinniartunik Siunnersuisarfik pillugu ilinniartut saqqummiussivigaat, iliuusissanillu ilinniartunut neqeroorutitik ataavartunik pissarsiassaasunillu kinguneqartitsisussanik paasiniaallutik Majoriami sulisunik ataatsimeeqateqarlutik. Nunarpummi tamakkerlugu neqeroorutaanissaaq ilinniarnermillu naammassinninnissamut ikioqqulluni qinnuteqarnissamut nunarput tamakkerlugu ilinniartunut assigiimik atugassiinissaaq, ilinniartuunerlu tamaat pitsaanerpaamik aqutissiuussinissamik qulakkerinissaaq, NTI-ip anguniagaasa pingaarnerit ilagaat.





2021-IMI PISUSSAT

Upernaaq manna pikkorissaanerit assinginik – ”Ilinniartut namminneq sunngorsinnaanerminnik paasi-
niaanissaat” kiisalu ”aqqutissiuussisunngorlaanut paasissutissiineq”qulequtsiullugit neqeroornissaq Ilit-
sersuisarfimmit toqqarneqarpoq. Tamatuma saniatigut ”Inuusuttut inersimasullu immikkut pisariaqartitsi-
sut” qulequtsiullugu pikkorissaaneq Ilitsersuisarfimmit neqeroortiginarneqarportaaq.

Aqqutissiuussisutut tunngaviusumik ilinniartitaaneq septembarimi aallarteqqissaaq inissallu naammatsissin-
naanissaat neriutigaarput. Taamaammat attavik una: <https://aqqut.gl/aqqutissiuussisutut-ilinniartitaanerup-vgu-aaqqissuussaanaera/?lang=gl> aqqutigalugu qinnuteqariannuaritsi.

Naggataagut minnerunngitsumilli Ilitsersuisarfiup moduli nangitsivik septembarimi aallartittussaq neqer-
oorutiginiarpaataaq. Aalajangersimasoq suna tunaartarineqassasoq sulii aalajangerneqanngilaq, qin-
nuteqaatillu tigoreerutsigit aatsaat tamanna pissaaq. Taamaammat modulimut nangitsivimmut qinnuteqaatit
attavik una: <https://aqqut.gl/courses/overbygningsmodul-2021/> aqqutigalugu nassiuteriannguaruk.

Juli 2021		August 2021		September 2021		Oktober 2021		November 2021		December 2021		
T 1	S 1	O 1	F 1	M 1	44	O 1						
F 2	M 2	31	T 2	L 2		T 2					T 2	
L 3	T 3		F 3	S 3		O 3					F 3	
S 4	O 4		L 4	M 4	40	T 4					L 4	
M 5	27	T 5	S 5	T 5		F 5					S 5	
T 6	F 6	M 6	36	O 6	Intro modul 1 halv dag	L 6					M 6	49
O 7	L 7	T 7	Eksamen (VGU 20/21)	T 7		S 7					T 7	
T 8	S 8	O 8	VGU 2021/2022 nyt hold	F 8		M 8					O 8	
F 9	M 9	32	T 9	L 9		T 9					T 9	
L 10	T 10	F 10		S 10		O 10	ro modul 3 halv dag				F 10	
S 11	O 11	L 11		M 11	Karrierevejledning 2 dag	41	T 11				L 11	
M 12	28	T 12	S 12	T 12		F 12					S 12	
T 13	F 13	M 13	37	O 13	Overbygnings modul 1	L 13					M 13	50
O 14	L 14	T 14		T 14		S 14					T 14	
T 15	S 15	O 15		F 15		M 15					O 15	
F 16	M 16	33	T 16	L 16		T 16					T 16	
L 17	T 17	F 17		S 17		O 17	VGU modul 3				F 17	
S 18	O 18	L 18		M 18	42	T 18					L 18	
M 19	29	T 19	S 19	T 19		F 19					S 19	
T 20	F 20	M 20	38	O 20		L 20					M 20	51
O 21	L 21	T 21	Vejlederkonference	T 21		S 21					T 21	
T 22	S 22	O 22	Huuk	F 22		M 22					O 22	
F 23	M 23	34	T 23	L 23		T 23					T 23	
L 24	T 24	F 24		S 24		O 24	Overbygnings modul 2	Unge & Voksne med særlige vejledningsbehov	F 24	Juleaften		
S 25	O 25	L 25		M 25	43	T 25			L 25	Juledag		
M 26	30	T 26	S 26	T 26		F 26			S 26	2. juledag		
T 27	F 27	M 27	39	O 27	Intro modul 2 halv dag	L 27			M 27		52	
O 28	L 28	T 28		T 28		S 28			T 28			
T 29	S 29	O 29		F 29		M 29			O 29		48	
F 30	M 30	35	T 30	L 30		T 30			T 30			
L 31	T 31			S 31					F 31	Hytårsaften		

AQQUTISSIUUSSISUT ATAATSIMEERSUARNISSAAT

AQQUTISSIUUSSISUNIK ATAATSIMEERSUARTITSINISSAMUT piffissanngorpoq! ☺

Qanorluunniit pisoqaraluarpat aqqutissiuussisut ataatsimeersuarnissaat ingerlatissagipput nuannaarutigalugu nalunaarutigisinnaavara. Soorumani nuna tamakkerlugu aqqutissiuussisunik ataatsimeersuartitsinisamat piareersaanerit aallartereernerat eqqarsaatigineqassaaq.

Pilersaarutit marluupput; A aamma B ☺

Pilersaarut A tassaavoq ataatsimeersuarnerup 2021-mi septembarip ulluisa 21-ianniit 23-annut Nuummi ingerlanneqarnissaa.

Pilersaarut B tassaavoq ataatsimeersuarnerup qarasaasiakkut ingerlanneqarnissaa.

Aqqutissiuussisut ataatsimeersuarnissaannut peqataaniarlusi maannangaaq ugguuna nalunaarsinnaavusi: <https://aqqut.gl/vejlederkonference-2021/>

Ataatsimeersuarnerup qarasaasiakkut ingerlanneqarsinnaanera pissutigalugu timmisartumut bilitsissat aggu-stip naalernerani aatsaat inniminnerneqassapput.

Soorunami NUNARPUT TAMAKKRERLUGU peqataaffigineqarnissaa neriuutigalugu Nuummi ingerlanneqarsinnaanissaa Ilitsersuisarfiup kissaatigaa ☺

Taamaammat peqataaniarlusi nalunaaqqunaqaasi! Ataatsimeersuarnermi najoqqutassaq atuuttoq kingusinnerpaamik aggusti qaammat tamanut saqqummiunneqassaaq. Maannangaarli sammisassat aqqutissiuussisarnerup siunissami ineriartornissaanut tunngasuusut oqaatigisinnaavara.

EQQARSAATISSIISUT: NANORTALIMMI MAJORIAQ

ALLATTOQ: [Bonnie Lynge Hansen](#)

EMAIL: blha@aqgut.gl

BLOG: www.aqgut.gl

Ataatsimuussutsimik misigineq nukittoq taamaatiinnartartullu ikittuinnaanerat

Ataqatigiinneq, suleqatigiinneq, ataatsimuussuseq, isumassarsiullaqqissuseq attaveqatigiinnerlu tassaapput Nanortalimmi Majoriamut pingaarutillit. 2020-imi aggustip ulluisa 15-ianni ilinniartut katillugit 21-it Nanortalimmi Majoriami aallartippit, ukioq ataaseq pallingajattoq qaangiummat 18-iupput. Ilinniartuni taamaatittuni pingasuni ataaseq nuunneq pissutigalugu taamaatippoq. Taamaalilluni Nanortalimmi taamaatittut ikittoralarsuupput, inuusuttullu Majoriami naammassinissamut kajuminnerusut amerlanerullutik.

Ataatsimoorneq ilinniartut kajumissusaannut pingaaruteqarpoq

Ilinniartut Nanortalimmi Majoriami aallartikkaangata klassitaaminni ataatsimuussutsimik misiginerisa ataqatigiinnerisalu nukittorsarneqarnissaat ukkanneqartartoq, immikkoortumi aqutsisoq Susanne Efraimsen oqaluttuarpoq. Tamatuma saniatigut ilinniartitsisutaaq ataatsimoornermi peqataanissaat Nanortalimmi Majoriamut pingaaruteqarpoq. Tamanna ilinniartut ilinniartitsisullu tamarmik illoqarfik qimalugu attaveqaateqanngitsumi tammaarsimaarnerisigut pisarpoq. Taannaavoq ataatsimuussutsimik ataqatigiinnermillu nutaamik, inuusuttut ilinniarnermikk naammassininnissaannut nukittorsaausamik pilersitsinermut aallarniutaasoq, Susanne oqarpoq. Inuttut ataqatigiinnerup attatiinnarnissaanut nukittorsarnissaanullu periusissaq tassaavoq, ilinniartut ilinniartitsisut peqatigalugit ilinniartuup avataani ilaannikkut nereqatigiittarnerat. Tamatuma saniatigut Nanortalimmi Majoriami ukiup qaammatai si-visusuut taartullu maluginiarneqarput. Tassani unnukkat nal. ak. marlunni boorluliorluni, kakaotorluni, tuniniagassanik juullimut pinnerasaasiorluni, erinarsorluni allanilluunniit isumassarsianik suliaqarluni ataatsimoorarneq ukkanneqarpoq.

Susanne-ip ilinniartitsisunngorlaat inuusuttut naalaarniarnissaasa pingaaruteqassusaa uparuarpaattaaq. Pisarnermiit allaanerusumik iliuuseqarnerup pitsaasumik ineriartornissamut iluaqutaasinnaanera tamatumunnga tunngavilersuutigineqarpoq. Tamatumunnga assersuutigineqartoq tassaavoq ilinniartut tamarmik ilaasortaaffigisaannik facebookimi messengerimi attaveqatigiinnik pilersitsinissaq. Tamatumani ilinniartut qarasaasiakkut imminnut inuttut ilinniagaqassutsikkullu ataqatigiinnissaannut asannittumik tinnersalaarneqarnissaat siunertaavoq. Ilinniartut facebook messenger aqutigalugu ataqatigiiffigisaminni ilinniagassanut tunngatillugu siunnersortinniartut apeqquteqartarsinnaapput, akunnerminni ikinnutigilliarnissamik pilersitsinnaapput sulilu pitsaanerusumik attaveqatigiissinnaaneq ilinniarsinnaallugu.

Ilinniartitsisut akornanni aqqisuusnaanikkut allanit pingaarnertut inissisimasoqanngilaq

Nanortalimmi Majoriami ataveqatigiilluarneq pingaarnertut salliukkitsik, Susanne nangilluni oqaluttuarpoq. Tamatuma saniatigut suleqatigiit akornanni akimanerusoqaranilu aqqisuusnaanikkut allanit pingaarnertut inissisimasoqannginnera pingaartinneqarpoq. Suleqatit tamarmik naligiipput tamarmillu assigiimmik sulillutik. Suleqatigiinnerup tamanut pingaaruteqartuunera tamatumalu pingaartumik ilinniartunut iluaqutaanera, Susanne-ip erseqqissarpaa. Taammaamat tamanna suleqat napparsimappat suliffimminulluunniit atatillugu angalappat, suleqatip allap nangitsilluni tapersersuinissaanik isumaqarpoq.

Nanortalimmi Majoriami ilinniartitsisut ilinniartitseriaatsimikkut isumassarsiullaqqissuupputtaaq, tamatumunnga assersuutissat tassaapput silami sammisassat ilinniartitsissutaasunik siunertallit. Susanne-llu isumaa naapertorlugu tamanna ilinniartut kajumissusaannik nukittorsaaqataavoq. Tamatumunnga atatillugu ilinniartitsisut isumaat naapertorlugu inuusuttunik soqutiginninneq pitsaasumillu aqutissiuussineq, ilinniartut kajumissusaannut annertuumik sunniuteqarpoq.

Naggasiullugu Susanne-ip suleqataasalu Ilinniartunik Siunnersuisarfiup ilaqutariinnillu sullissiviup ilinniartunut inuttut unammilligassalinnut pingaaruteqarnerat erseqqissaatigaat. Taakku pisariaqartitat naapertorlugit ikuiusinnaasunut ornigussinnaapput. Tamatuma saniatigut tarnip pissusaanik immikkut ilisimasallit Ilinniartunik Siunnersuisarfimmeersut, ilaatigut ataqatigiinneq soraarummeernissamullu annilaangasarneq pillugit ilisimasaqarnerulersitsiniarlutik, ukiup ilinniartuup aallartinnerani naggataanilu takkussinnaasimanagerat nuannaarutigaa.



NVL:

AQQUTISSIUUSSINEQ ATTANNEQARSINNAASOQ

NVL-ip (Nordisk Voksen Læring) pilerisaarutigilaarnissaanut attanneqarsinnaasumillu aqqutissiuussineq pillugu allaaserisamut pissanganartumut attavissiinissamut periarfissaq ilitsersuisarfiup atorussupaa. Qanoq ililluni piujuartitsilluni ineriartornissamut FN-ip narsuaq tamakkerlugu anguniagaanit isumassarsisinneqarluni, aqqutissiuussinerup siunisami inuiaqatigiinni ajornartorsiutaalersussatut takusinnaasatsinnut arlalinnut aaqqiissutisatut atorneqarsinnaanera atuaruk. Allaaserinnittuuvoq Miriam Dimsits, Danmarks Pædagogisk Universitetimi lektori ilinniagaqassuserlu tunngavigalugu aqqutissiuussinermik ilinniartitsisoq.

<https://nvl.org/content/baeredygtig-vejledning-kan-vaere-svaret-pa-baeredygtighedskrisen>



**Nordisk Netværk for
Voksnes Læring**

eVejledningi

Inuit ilinniartitaanermut tunngatillugu aqutissiuunneqarnissamik pisariaqartitsisut ikior-nissaannut eVejledningip tamatigut piareersimanera eqqaamajuk. Sukkulluunniit mailik-kut attavigisinnaavatsigut ullut tamaasa nal.10:00-imiit 16:00-imut oqarasuaatikkut oqaluussinissamut chatternissamullu piareersimavugut.



Ammasarfii/Ábningstider:
Ataa.-Tall./Man-Fre.: nal./kl. 10.00 - 16.00

AQUTISSIUUSSISUTUT IMMINUT NALUNAARUTIGIGIT

Nuna Tamakkerlugu Ilitsersuisarfiup (NTI) nunatsinni aqutissiuussinermik ataqatigiissaa-rineq inerisaanerlu suliassaraa. Aqutissiuussisutut NTI-mut nalunaarutigiguit mak-kununnga qaaqquneqassaatit:

- Najukkani attaveqatigiit ataatsimiinnerannut, NTI-mit aaqisuussassanut
- Qitiusumik immikkoortuni aqutissiuussisut ataatsimeersuarnerinut
- Nuna tamakkerlugu aqutissiuussisut ataatsimeersuarnerinut
- Aaqqisuussinernut neqeroorutinullu allanut ingerlanneqarnissaat NTI-mit aaqqisuun-neqartunut

Peqataaniarlutit nalunaarasuarit. Attaveqatigiit aqutissiuussisutut piginnaasanik ineri-saqataapput!

REGISTRER DIG HER


SULISUT



Christine Tønnesen
Centerleder



Thora Ludvigsen
Kontorleder




Kulunnguaq Korneliussen
Udviklingskonsulent



Bonnie Lyngé Hansen
Udviklingskonsulent



Kristian Aagaard
Ekstern IT-konsulent



Maliina Chemnitz Titussen
Psykoterapeut



Bjørn Noer
Chefpsykolog



Ayla Grønvold Søndergård
Psykolog



Freja Klein
Psykolog



Dina Laumark Koren
Psykolog



Marcus Jacobsen
Psykolog



Sofie Sand
Psykolog



Anja Linneberg
Psykolog



Ulrikke Kronvold
Socialrådgiver/psykoterapeut



Kathrine Fabricius
Psykolog



Theis Bertelsen
Psykolog